





序


為中主之臣易為聖主之臣難中主  
待人而理為之臣者皆得以事業文章  
表見於世聖主睿知聰明坐照萬里  
人臣稟受上旨奉職宣力揣之焉猶  
恐不稱又安能自出意見而表所長乎

張文端公全集

卷首 序

一

然為聖主之臣易為英主之臣難聖  
主覆載含宏人有不及輒為掩覆俾  
之得盡所長英主恩威不測抑揚進  
退之際蓋自有道焉非夫忠能上孚誠  
能自著者雖事業文章之盛未見能  
臻一德之隆也文端公少以聖賢自期



許其為文則明白曉暢之文也惟  
聖祖亦稱其奏事明瞭他人不能及者  
有清官之目以故始終嚮用一德相字  
聖相承任之勿貳自詞臣改部曹歷  
外守躋卿貳膺方面作司空而登揆席  
回翔者累年觀其陳情未允所以待

世宗之收卜也 兩朝用人甄生謏聞  
敢妄窺測然氣象固自別焉而公在康  
熙中治河為較著說者謂一票  
膚算若以未嘗一出智慮遂底成績  
陽為譽之而陰實泯之者不知

聖人在上但能將順其美亦難矣且

虞書所謂方命者方孰之命哉方之  
則北族順之則成功千古君臣治水之  
漠必順水之性其能更出意見以補  
聖明之萬一乎至於措之而當施之而  
妥不宜以致平成再見者則所謂有  
本者如是也書曰祗台德先不距朕行

此之謂也

世宗之知公也早故以神武受命即  
慨然晉任而不疑惟公之聞命即行不辭  
艱苦尤以表章

聖祖大德為已任使其不遽薨逝必更有  
可觀惜乎相業尚未大顯耳然而忠孝

之旨不絕於聖賢之途則具載書中  
公且嘆之然不以著述自鳴故自阿工  
外詩文及他奏疏皆藏於家今百餘  
年矣其五世孫知銓盡出以示余曰美  
不哀集而刊行之不獨公之忠孝德業  
不具亦每由表

張文端公全集

卷首序

四

二聖之駿烈大德於無窮也乃亟裒  
刻并求為之序云時光緒七年陽月  
中江後學李星根書

宇宙之患不大則其功不奇人臣之任不難則其才不出然自古平大患建大功又不專恃乎才而賴有道以濟之如大司馬遂甯張公之治水可觀焉淮南之苦昏墊越二十餘年矣河身日高而淮不得出海門日堙而黃不得入淮黃交失其軌則旁挺橫溢奔放四大害民生病國計而淮揚之患不可勝言矣

天子憂之時公方持節兩江

天子以河工重

特命公以大司馬攝司空之職公仰稟

張文端公全集

卷首 序

一

天子方略相其緩急而次第布之首折攔黃壩次擘清口次塞洪塘六壩次浚人字芒稻等河次建高堰土石諸堤工次築時家馬頭邵伯更樓諸決次培黃河南北堤岸次堤歸仁並浚引河次大挑漕河積淤以及涇澗蝦鬚車路入江入海之道無不通流而開七引河改置新舊中河底陶莊御樞之績未易一二數焉公始至當河工極敝之後一望瀾漫與天無際雖素知公者亦以爲難公不動聲色一年而兩河循軌又二年而諸患悉除謂非天下之奇才哉而愚則謂才不足以盡之也夫前之治河者非盡無

才也鑿空以爲治乾沒以爲能糜國家千百萬金錢而曾無尺寸之用亦正惟才累耳公負巨才而不自恃其才以廉節費以勤蒞事以胼胝率羣工以謀略歸之

聖皇以集眾思廣眾益盡一時人才之用以至誠不欺生平之所學達之爲拯民報國之經綸豈只天下才云乎哉公蓋深於道矣公自入中祕卽步趨聖賢嚙笑不苟及踐台斗節鉞崢嶸被服猶若寒素造次不改其度卽一判事之細猶不肯作草書關閩濂洛之學沉酣已久不但博極河渠岳瀆諸家也故愚謂公之治水蓋深於道夫古成灑張文端公全集

卷首序

二

澹之勳者獨推神禹而先儒謂洪範九疇卽禹所得以理水之要道之通於治水其前此矣宋元豐間嘗語輔臣曰後世以事治水不知以道治水公深於道其平大患而建大功不亦宜乎而世但以才知公亦淺之乎窺公者矣昔印川潘公治河工成其門下士袁輯其一時綸音章奏與其所規畫以爲河防一覽至今奉爲津梁愚等從公往來河上佩公訓誨親見其經營苦心退而筆之勒成一編以詔來者其於河防未必無小補云



遂甯張文端公全集

凡例

一公之書有冰雪堂稿如意堂稿奉使俄羅斯行程紀略治河全書皆其自著至於纂輯者有文廟禮樂考關夫子志堯州府志遂甯縣志信陽子卓錄身鏡士鏡治鏡等錄敦行錄家規輯要文誠輯要等名至其門人幕僚纂集者乃有河防志奏議年譜諸書今二稿與年譜尙未刊行故今此編之爲集亦斷不可少之事而離年譜爲二刪其頌美之詞而載入集之前

張文端公全集

卷首

凡例

一

後觀者必自知之

一公生平不欲以詩文見長故其所作直抒己意而已不加雕繪之功故自治河全書奉旨進入四庫而外餘惟奏議河防志行程紀略刊行而板片又未知尙存何處且非彙集詩文年譜則刊行者尙不足以盡公也

一奏議及河防志篇帙浩繁蓋一篇必具一事之首尾故不求多而自多今惟存公之本文僅足二卷離之亦僅四卷益以他文及各體詩始裒然美富焉

一公生當 盛時上事 聖明之主下友理學經濟直  
亮之臣故公獨以治河自見而其實根本聖賢以心  
學爲治績及他憂深思遠諫諍不諱之處與夫忠孝  
之大他名臣或有不能及使其集不出世人亦無由  
盡知也

一 皇朝經世文編所載諸題皆公自作或改之爲河  
防志或改之爲年譜知公所作湮沒多矣而奏議中  
所附河圖皆與今圖不合故另圖之而以文編所載  
附後至滑車下埽諸篇則公以前之督捕理事官周

張文端公全集

卷首 凡例

二

于漆之所作也周書旣殘故亦附載至其爲圖例宜  
從略

一集內奏疏較他文尤多又公所注意受 主知者故  
列於首雖略年月實已據年之先後次第之後錄雜  
文又後錄詩作詩年月亦略可考以非公注意故不  
必也

一公疏焚稿者不少而其他論著亦多闕如文編所載  
非進內庫之文亦非見存各書之文也姑成此集當

續求之

一雜記皆由刪年譜而存 天恩稠疊時賢往來及公  
軼事略具於中固不得而廢也

張文端公全集

卷首 凡例

三

特筆列其於中而不特筆列其於中

錄出齊州潘平論而奪 天恩稠疊時賢往來及公

遂甯張文端公全集

目錄

首卷

序

凡例

國朝名臣傳

年譜

黃運淮沁施功總圖

依三篇

皇朝一統輿圖附論說十

子目論黃淮要領二篇

張文端公全集

卷首

目錄

論治清口二篇

論塞六壩

論歸仁隄

河防志略

滑車全圖說

滑車運重圖說

滑車捲埽圖說

滑車下埽圖說

捲埽圖說

置埽圖說 圖存三才儒要

卷一

首陳三事疏

題帶河官疏

盡拆攔黃壩疏

請挑芒稻河疏

請開張福口引河疏

估築高郵護城隄疏

高堰堤工疏

張文端公全集

卷首

目錄

二

恭報勘過河工情形疏

請撥帑備料等疏

條奏應修工程疏

恭報修過河工情形疏

請撥發錢糧疏

請賜海口佳名疏

敬陳治河條例疏

覆清口築壩疏

議止海運疏

請閉六壩疏

加築海濱隄工疏

覆中河改由陶莊閘疏

覆廬口疏

恭報水勢及各工疏

調用河官疏

堵塞時家馬頭疏

請寬欽部定限疏

覆歸仁堤引河疏

張文端公全集

卷首

目錄

三

覆歸仁堤疏

建築徐州郭家嘴石工韓家莊月堤疏

覆武家墩至小黃莊臨湖石工疏

酌改新舊中河疏

拆修駱馬湖石閘疏

稽家閘南改建滾水石壩疏

請挑運河疏

估題高郵城南遷建滾水壩疏

覆引積水歸海疏

酌開王家營減壩疏

請建中運兩河閘座疏

佑改中河疏

題佑歸仁堤引河等工疏

幫築吳家莊壩台佑築月堤疏

挑挖黃河灣曲引河疏

恭報淮黃交會疏

請賜河神封號疏

謹陳善後一策疏

張文端公全集

卷首

目錄

四

恭報清水出運河疏

復六壩修砌石工疏

覆挑芒稻河引湖入江疏

佑挑韓家莊引河疏

卷二

佑築辛家蕩月隄疏

覆高堰大工疏

覆桃源縣黃河南岸堤工疏

佑修陸漫閘七工疏

謹陳節宣之法疏

謹陳善後二策疏

運口至濱海隄工疏

估修蝦鬚二工疏

估修武家墩一帶土堤疏

恭報清水盛出情形疏

加高堰隄工疏

題佑三滾水壩疏

估修棠梨樹迤南隄工疏

張文端公全集

卷首

目錄

五

題佑八工疏

題佑王家營減壩入鹽河疏

覆保守高堰六壩疏

加修高堰龍門壩疏

估修清水潭越壩疏

題修駱馬湖竹絡壩疏

題佑武家墩至運口一帶隄工疏

題佑黃河取直引河疏

保守高澗疏



題佑高郵南關三引河疏

察勘泗州盱眙水災疏

恭報開放陶莊引河疏

大挑運河疏

加幫要工疏

題佑挑水壩堤工疏

修理淮揚運河排椿疏

恭請

聖駕闕視河工疏

張文端公全集

卷首

目錄

六

辛家蕩滾水壩疏

修補歸仁隄五堡土石工疏

請築撈隄加幫縷隄疏

卞家汪創建石工天妃壩拆砌石工疏

談家莊月隄壩台疏

石礮閘座疏

加挑運料小河疏

烟墩越隄疏

老壩口至車路口縷隄加幫疏

韓尹二莊加築月隄壩台疏

黃運兩河水勢疏

黃河兩岸石工難築疏

秋汛水勢疏

恭進河圖疏

恭進河圖總說摺子

估挑高郵運河疏

覆改中河出水口門疏

恭進治河全書摺子

張文端公全集

卷首

目錄

卷三

請汰捐納疏

稽察倉庫疏

辭大學士疏

淮揚救荒疏

勘河具題疏

勘張秋決口設法放糧船疏

救河南黃河決口條議

賑救馬營決口疏

陳情疏

再陳情疏

三陳情疏

謝恩疏

科場條議疏

進海圖并海防條陳疏

海境并日本事宜

另摺奏

閩省情形疏

張文端公全集

卷首

目錄

八

條奏治蘇事宜

河東渠堰紀要

撫浙頒行條約

禁考試積弊

嚴剔漕弊條約

卷四

御駕親征盪平漠北頌

萬壽頌

萬壽無疆頌

日月合璧五星聯珠頌

御書淡泊甯靜碑陰記

御製河工告成詩碑陰記

高良澗禹王廟記

重修萬松嶺夫子廟記

重修兗州府文廟記

遂甯縣重修學宮記

安東縣關帝廟碑記

重修鎮東樓漢壽亭侯廟記

張文端公全集

卷首

目錄

九

定海縣創建城垣記

重修演武堂記

第一山精舍讀書記

文廟禮樂考序

進呈聖學心法序

四書大成序

關夫子志序

宋儒張南軒語錄序

兗州府志後序

奉使俄羅斯行程錄序

遂甯縣志序

敦行錄序

治鏡錄序

身鏡錄序

士鏡錄序

家規輯要序

女誠序

信陽子卓錄自序

張文端公全集

卷首目錄

如意堂詩集自序

宰相論

心性論

故光祿少卿李公傳

張逸甫先生傳

彭覺山先生傳

桐城張文端公墓志

僕張聲之墓志

陳家社驅水怪文

祭李子靜文

祭周通政文

贊丁夫子讀易圖

題景進士憶椿錄

讀來子易注

與浙閩總督王純嘏

與宋牧仲

復沛令鄧宏芳

與鄴城方令

張文端公全集

卷首

目錄

十一

與容城令馬遇樂

卷五

詩 七言律二百五首五言律五十三首

卷六

詩 七言絕三百三十首五言絕八首古體八首

卷末

雜記 附記賦五篇跋尾一篇  
序一篇

國朝名臣傳

張鵬翮四川遂甯人康熙九年進士選庶吉士改刑部主事遷員外郎尋遷禮部郎中十四年八月充順天鄉試同考官十五年二月充會試同考官十九年授蘇州府知府旋丁母憂二十二年服闋補兗州府知府二十四年授河東鹽運司二十五年十月內遷通政司右參議十一月轉兵部督捕右理事官二十七年俄羅斯察罕擾邊我兵困之於雅克薩城悔罪乞恩鵬翮奉使同內大臣索額圖都統佟圖綱給事中陳世安等往定界事竣還擢大理寺少張文端公全集

卷首 傳

一

卿二十八年二月擢浙江巡撫二十九年疏言定海自建縣設官民人漸集捍衛必賴城垣教化必資學校倉儲監獄亦須建立庶足壯觀瞻而副規制 詔允所請三十二年疏言浙省夏杪始雨田雖補種獲米未能堅實難供漕糧請將明年輸蠲之糧於今歲免徵又言紹興府屬之餘姚上虞嵊縣台州府屬之臨海太平旱後復遇颶風霖雨漂沒田廬並請賑濟從之三十二年疏言出洋貿易船必需地方官印烙給票方準攜帶軍器恐日久弊生內地商民在外國造船攜帶軍器難以稽察請嚴禁部議從之初

鵬翮奏浙省紳民願每畝捐穀四合力不能者聽之至是  
又奏杭嘉等府上年秋收歉薄請勸輸之穀暫免一年  
上諭昨歲浙省被災州縣方照例蠲豁並移免漕糧豈有  
仍強令捐輸之理張鵬翮於原題力不能輸聽從其便之  
語自相矛盾下部嚴加議處尋部議革職 特旨寬免降  
五級留任尋擢兵部右侍郎 命提督江南學政三十六  
年五月遷右都御史疏言淮揚上年被水及今春夏之交  
百姓棲止堤上以魚蝦野菜爲食茲見江蘇巡撫宋學搢  
稱鹽城山陽高郵泰州興化寶應六州縣積水未消加以  
霖雨連綿麥禾未種見委道員查勘臣思此六州縣被災  
既重本地倉穀去年支賑無餘今秋成絕望該撫並未聲  
明作何拯救伏祈

張文端公全集

卷首 傳

二

皇上敕該督撫或撥鄰郡倉穀或捐官役俸工買米賑濟  
下部議行三十七年七月遷刑部尙書十一月授江南江  
西總督三十八年春

上南巡閱視河工畢 命鵬翮扈從入京賜朝服鞍馬弓

矢先是鵬翮同刑部尙書傅喇塔察審陝西侵蝕貧民籽  
粒銀兩一案經戶部題覆



上諭大學士曰傅喇塔畏人懷怨草率具覆張鵬翮于此  
事亦稍罷軟六月 命復同傅喇塔赴陝西詳審並原任  
陝西巡撫布喀控川陝總督吳赫侵蝕及吳赫與原任甯  
夏道吳秉謙互參等案鵬翮等審得醴泉知縣張鳴遠涇  
縣知縣劉桂等因公挪用同州知州蘭佳選蒲城知縣關  
秀韓城知縣王宗旦皆侵蝕入已布喀控吳赫侵蝕籽粒  
銀及秉謙控吳赫浮開草料價值事均虛吳赫參吳秉謙  
收受屬員餽送屬實餘係捏款誣參均擬罪如律三十九  
年正月回京

張文端公全集

卷首 傳

三

上問鵬翮曰署總督事席爾達居官如何奏曰居官頗優  
上又問巡撫貝和諾較巴錫何如奏曰巴錫爲人鄭重貝  
和諾臨事精詳

上謂大學士等曰張鵬翮前往陝西朕留心察訪果一介  
不取天下廉吏無出其右者三月調河道總督  
諭曰清黃相會之處所關最要黃水高故清水不得通洩  
以致泛溢今使清水何以得契河身何以得深爾宜努力  
鵬翮疏陳一撤協理河務倘勘墾以專總河之任一撤河  
工隨帶人員以免糜帑一工部與河臣事關一體請勅部

臣母以不應查駁事從中阻撓下部議行四月疏言臣過雲梯關閱攔黃壩巍然如山中間一線之細如注下流不暢無怪上流之潰決也于攔黃壩上流計黃河水面寬八十三丈餘則攔黃壩亦應照丈尺拆挑一律寬深方足宣洩亟堵馬家港使水勢不至旁洩俟黃水大漲開新挑之河資其暢流衝刷淤墊則黃水入海自能暢達又言清口爲淮黃交匯處目今糧艘北上河身淤墊竟成平陸獨有黃河入運河臣相度形勢黃河北裴家場引河身高爛泥淺引河地多活沙卽開濬深通黃水大長清水不能相敵

張文端公全集

卷首 傳

四

應于張福口開引河一千五十丈深丈餘寬十丈引清水于黃河口相近處入運河使之暢達庶可敵黃並建閘以時啟閉又言人字河自金灣閘至孔家渡爲河之腰絡至芒稻山分爲二派又名芒稻河兩岸旣狹又有土嶺二處今湖水方盛應多集夫役掘使暢流水口下有芒稻閘年久塌壞磯心頗高宜另建以防江潮又鳳凰橋引河從橋口至胡家樓河水絕流宜加濬引水從王家樓入運鹽河匯入芒稻河又雙橋灣頭二河見今同入芒稻河底淤淺應於冬月濬使深通其灣河閘雁翅塌卸宜及時修砌此

三處之水俱相繼入芒稻河流十八里入江見在委員分  
修尅期竣工諸疏俱下部議行五月疏言臣遵 旨看視  
海口將攔黃壩拆去河身開濬深通四月二十一日起至  
五月初九日工竣水勢暢流入海且自動工來潮恬風靜  
得以施工工甫畢卽長水二尺以資開放此皆我

皇上軫念民生至誠上孚海神効靈所致請將攔黃壩之  
稱賜名大通口並建海神廟以答神庥得 旨俞允尋

上諭大學士曰前張鵬翮赴任時朕卽指示以爲必毀攔  
黃壩挑濬芒稻河人字河今毀去攔黃壩而清水遂出濬

張文端公全集

卷首 傳

五

通海口而河勢亦稍減觀此則河工大可望也觀張鵬翮  
奏章詞簡而意明其辦事精詳可知矣朕昔與彼間論時  
務彼曾云在浙八年每歲錢糧並無缺欠今蒙朝廷擢用  
之恩無可仰報惟勉令江南錢糧每歲必期完結朕尙止  
之云爾勿輕出此言迄今思之彼固有成見也是月

上命員外郎拖抗拖和中書張古禮馳驛往令鵬翮將河  
工修理情形入奏鵬翮疏陳十九款一修工葦柴多產海  
濱舊有運料河自清江浦起至海口止年久淤塞宜加濬  
深以便轉運一清水會黃入海關鍵全在六壩而六壩最

要者在夏家橋一壩以全湖水勢趨此故也今夏水方盛若急于堵塞則高家堰危險可虞且湖水洶湧恐旋塞旋冲虛費帑金應俟水落堵塞庶爲萬全一高家堰容納七十二處山河之水古人設壩原以洩異漲之水非以洩平漕之水也今冬六壩閉後來年挑濬黃淮並漲宣洩湖水非壩不可前河臣于成龍改六壩爲四滾水壩臣相度地勢相去不遠宜併爲三就原有之草字河塘漕河爲引河并築順水堤則田廬無淹沒之虞一武家墩至小黃莊一帶臨河舊有石堤僅出水面二三尺必須加高一古溝至

張文端公全集

卷首 傳

六

六壩以下俱係土堤宜改石以省歲修一清河縣運口至高郵州界首裏河頻年黃水入運以致河身日高水漲往往潰決宜加濬一高郵寶應江都西岸土石堤工多爲湖水齧浸俟冬時興工一高郵城南石壩五改爲四滾水壩下開引河使水有去路一歸仁堤臨河石工罅漏見飭補砌一運口至濱海兩岸堤工必須加培高寬以資捍禦一王家營引河飭革職道馮佑作速挑濬深通准其贖罪一新改中河堤岸單薄水漲可虞應勒限修築完固一王家營減水大壩應酌開十丈餘洩黃河漫水由鹽河出一桃

源縣黃河南岸堤工近長湖一帶土堤四千二百餘丈應  
加培高厚一駱馬湖口正對有竹絡壩節宜黃湖大漲今  
黃湖身高去歲漫缺二次黃河灌駱馬河口匯入中河亟  
宜堵築以禦黃水一王家營缺口月堤單薄應培修高厚  
以作正堤一徐城對岸沙嘴挺入河心二里應挑掘以殺  
大溜之勢郭家嘴舊有石工至北門迤西臣率河員相度  
自北至段家莊加砌石工可保城池且免歲修費蘇家山  
石嘴挺出河心致韓家山潰逼徐城應自楊家樓至段家  
莊築月堤以作重門之障一黃運堤岸有領帑興修者有

張文端公全集

卷首 傳

七

捐工興修者勒限完築一徐邳睢甯宿遷桃源清河山陽  
安東等州縣黃河險工應支歲修錢糧進埽防護飭河官  
當伏秋二汛晝夜防守疏入 詔下部速議行六月又條

奏河工九款一堤工宜堅築加幫之堤應將原堤夯杵再  
加新土創築之堤先將平地夯深務期堅固一運河中河  
因頂衝處湍急恐傷土堤是以排椿鑲壓用整木柴今用  
整料截開粉飾外觀嗣後務與原估尺寸相符一湖河堤  
岸有馬牙梅花等椿面裏釘頭等石鐵釘鐵錫米汁柴灰  
等料必依法修砌方能永久一歲搶各工不無虛冒牽混

之弊嗣後呈報險工估計申詳如係假捏卽以誑報題參  
一挑河工程務將挑出之土堆於原估堤上夯碾成堤以  
資捍禦不許將散土堆集滋假河之弊一平常工料俱用  
龍尾埽遇風浪立見塌卸虛糜帑金應行停止一河水頂  
衝處對岸必有沙嘴挺出此由河曲之故從曲處挑引河  
以殺水勢誠有如千夫敵萬敵之勢

張文端公全集

卷首 傳

八

聖恩豁免一實心任事之員工成日優敘卽用否則嚴加  
治罪一挑河築堤用夫動至數千寒暑風雨極其勞苦工  
成日應給印票免其雜徭以上各條仰請

天語申飭勒石河干永遠遵行得 旨覽奏河工弊端詳  
悉切要極其周備下九卿議尋議如所奏

上曰張鵬翮遇事精勤從此久任河務必能有益九月疏  
言前任河臣于成龍於四堡挑濬引河由胡家溝出黃河  
臣勘閱胡家溝迤東地勢頗高若在涵洞口至老堤頭迤  
東出黃河地勢低窪自涵洞口至九龍廟見有舊河至黃

河邊正可挑引河於黃河縷堤出水之地建造石閘臨河處修築草壩以防黃水倒灌再於歸仁堤五堡建磯心石閘於引河兩岸築束水堤洩歸仁堤之水出黃河可以冲刷河身保護田廬得旨張鵬翮所奏歸仁堤修築事宜甚爲合理應及今年黃河水小興工十月疏言武家墩至小黃莊加砌石工舊椿多壞必須拆修堅固今於舊殘石工上壘柴壓土以爲越壩費省而工速此工除撥銀四十萬兩外尙有不足銀十八萬六千二百四十八兩有奇請勅部撥給得旨著照該督所請張鵬翮每事實能宣力

張文端公全集

卷首 傳

九

朕不之信將誰信耶又疏言新中河必全身挑濬兩岸子堤必全行培築需費頗多而河頭灣曲糧艘經行不順舊中河自三義壩下至仲莊閘十五里河身甚深南岸河身散漫難築子堤且距黃河最近今議於三義壩將舊中河築堤一道改入新中河則舊中河之上段與新中河之下段合爲一河糧艘通行無滯得旨張鵬翮所議中河事宜甚當著照所奏行十二月疏言臣遵

聖授方略次第舉行先疏海口水有歸路黃水不出岸矣旣挑芒稻河引湖水入江高郵寶應等處水由地中行矣

再闢清口開張福口裴家場引河淮水有出路矣加修高家堰堵塞六壩逼清水復歸故道今清水大半入黃少半入運一水兩分若有神助請加河神封號下所司知之又疏言黃水下流最隘處無如安東便益門及黃家莊兩岸僅距六十餘丈兼以時家馬頭至尹家莊河身過曲沙洲逼溜南北互有衝激應於兩處沙洲中開引河二使黃流直下以固城池又言下河水勢漸消惟興化積水一時不能全退臣相度形勢高郵寶應山陽鹽城之水宜疏蝦鬚二溝引入朦朧河以達於海鮑家莊至白駒口地高水壅

張文端公全集

卷首 傳

十

宜挑濬深通引河由白駒場入海再挑撈魚港引河入海挑老河口引水入湖挑稻子河引水由苦水洋入海如此則有去路積水可消矣並從之是年遵 旨詳議給事中幕琛條奏科場事宜鵬翮奏江浙等省旣編南卷山陝等省旣編北卷又將雲南貴州四川廣西四省各編字號卷數甚少分晰太明不肖者易通關節應將四省編入南卷至監生回籍鄉試一段臣思監生作弊自有防之之法平時責令祭酒力行考課考課不缺者准其入場臨時入監者不准則弊無從出矣四十年正月疏言臣按河南志清



口至淮安建有五閘遞相啟閉以防河淤又慮水發湍急難於啟閉則築壩以遏之每歲糧艘過盡卽於閘外築壩以遏橫流則是伏秋黃水倒灌自古已然今運河初濬海水出黃轉盼伏秋二汛繼至則宣洩之道不可不急籌也今於張福口裴家場中間開大引河一道并力敵黃若黃水大發則閉裴家場口門使清水由文華寺入運河倘運河水大山陽一帶由涇澗二河洩水寶應一帶由子嬰溝洩水俱歸射陽湖入海高郵一帶仍由城南柏家墩二大壩洩水江都一帶由人字河鳳凰橋等河洩水入江若遇

張文端公全集

卷首 傳

十一

黃淮並漲清水由翟家壩天然壩洩水黃水由王家營減水壩入鹽河至平旺河入海若糧船過完黃水大發則閉攔黃壩使不得倒灌黃水不漲則堵塞運河頭壩令清水全入黃河官民船照例盤壩卽古人設天如閘之意也疏入

上嘉其得治河秘要時江西巡撫馬如龍以年老乞休

諭大學士曰馬如龍雖年老居官尙好督撫之任如張鵬

翮李光地居官更有何議張鵬翮自到河工在署之日甚

少每日乘馬巡視堤岸不憚勞苦朕深知之三月鵬翮以

河工情形遣郎中王進楫入奏  
上諭進楫曰爾往諭張鵬翮高家堰須加意防守必歷夏  
秋至冬清水照常流通斯爲有濟於事鵬翮增築高堰月  
堤及時家馬頭童家營陳家莊龍潭口歪枝套辛家蕩邢  
家河馬家港等處堤壩尋洪澤湖溢泗州盱眙被災  
上以修治善策詢之鵬翮並飭會同江南江西總督阿山  
詳勘尋鵬翮奏泗州盱眙水災自古已然卽六壩全開亦  
不能免且自閉六壩高郵寶應興化泰州山陽鹽城等處  
田地涸出民得耕種皆河伯効靈所致

張文端公全集

卷首 傳

七

上曰堵塞六壩乃前河臣于成龍題請不是張鵬翮始頃  
因泗州盱眙被水令同阿山設法修治作何賑濟蠲租並  
非欲開六壩救泗州盱眙之民而令淮揚百姓罹於水患  
也張鵬翮奏章昏贖已甚可將朕諭旨並張鵬翮奏章刻  
示於淮安揚州泗州盱眙等處令眾人觀看四十一年正  
月奏清河縣陶莊閘南岸有挑水壩溜入引河直走北岸  
逼近黃河縷堤請築創堤並將臨河縷堤及護城堤皆加  
高厚又於黃河南岸挑水壩西添築創堤並改建運口爲  
石閘以省煩費又因天妃閘塘基低窪改築運口草壩北

建大石闌東西各築緯堤於舊堤衝破處建草霸以固堤  
東水清河縣黃河南岸卞家汪險工當黃淮二水交衝之  
處內臨積水深潭中僅一線土堤請改建石工下部議行  
六月桃源城西煙墩黃水大漲積水未退堤根甚危鵬翻  
加築近城越堤捍衛城垣八月疏言煙墩對岸沙灘挺出  
河心逼溜南行恐被衝刷請於邵家莊開引河建草壩分  
水勢又顏家莊水勢逼射北岸亦請開引河一道則水順  
流而險工不受衝矣

上諭大學士等曰此本若飭部議必致遲延著卽照所題

張文端公全集

卷首 傳

三

行尋鵬翻題秋水情形

上曰覽奏挑水壩築成逼黃河大溜直趨陶莊引河循北  
岸而行黃水從大進口暢出海口極其深通淮水從清口  
暢流敵黃絕無黃流倒灌之患高家堰堤工完固加謹防  
守經伏秋大汛俱獲無虞運河之水由涇澗芒稻河人字  
河分洩各處工程亦皆保固觀此則河工大有望矣四十  
二年春

上南巡周視河工賜

御製河臣箴淮黃告成詩並賜鵬翻父張烺貽背神清養

志松齡匾額二月

上以山東泰安沂州等州新泰蒙陰郟城等縣民饑命漕運總督桑額以漕米二萬石交鵬翮選賢能官運至濟甯州兗州府等處減價平糶有應賑處卽行賑濟鵬翮委河臣程兆麟等動用倉穀二十八萬餘石散賑疏稱將山東各官俸工補還

上命鵬翮與河員及山東巡撫以下各官分派於四十二年四十四年內賠完嗣

上復面責之曰爾常以經義奏對經義以本心爲要爾河

張文端公全集

卷首 傳

古

工人員動用常平倉穀賑濟邀取名譽及令抵償則委之山東官員於心忍乎鵬翮叩首謝罪十月 諭吏工二部曰張鵬翮在河數載殫心宣力不辭艱瘁又清潔自持朕心深爲嘉悅爾部議敘具奏尋加太子太保四十四年二月疏請修理徐州城外石堤及山安黃河北岸三套堤工建築越堤並從之先是康熙三十六年六月時家馬頭河決至三十九年五月堵築未就鵬翮疏參山安同知佟世祿冒帑誤工應革職追賠詔鵬翮嚴訊嗣世祿叩閭訴鵬翮枉縱交江南江西總督阿山河南巡撫徐潮會審阿山

等以時家馬頭承修銀兩應於佟世祿追賠馬家港東壩  
被衝張鵬翮雖經題報未將承修官賠補處聲明應令鵬  
翮與疏防等官均賠未幾世祿復叩關控訴  
上遣戶部尙書徐潮等覆審係誣參世祿復職鵬翮巧飾  
供詞失人臣禮應革職淮安道王謙附會山安同知裘陳  
佩欺隱應罰賠各擬杖徒又工部侍郎趙世芳議鵬翮奏  
銷錢糧浮冒十三萬餘兩應交刑部治罪九卿等以如所  
議奏

上曰此案依前議張鵬翮量甚窄斷不認錯河工錢糧原

張文端公全集

卷首 傳

五

不限數一年水大則所需者多水小則所需者少謂張鵬  
翮小有所取亦未可知謂以十三萬兩入已必無之事也  
河工恃乎用人張鵬翮所用之人皆不勝事故至如此耳  
趙世芳奏事不公本發還三月

上南巡諭鵬翮曰朕至清口見黃水倒灌因以問爾爾  
赧然不能答反稱不曾倒灌此卽爾毫不認錯也爾居官  
固好卻爲王謙張弼所欺頃令河工應追錢糧著佟世祿  
王謙張弼均賠部議甚明爾又奏請欲免其追賠開捐納  
以補原項此特因王謙亦在數中希圖爲之脫免耳鵬翮

不能對又 諭曰王謙爲人刻薄人人怨恨爾卻偏信任其恣意妄行以致人心不服朕非不知爾在河工能任勞苦但聽信屬員流於刻薄從來大儒持身當如光風霽月何况大臣受朝廷委任必須爲國爲民事事皆有實濟若徒飲食菲薄自表廉潔於國事何益耶閏四月

御舟渡黃河閱九里崗嘉鵬翻修理得法  
賜御製詩扇七月淮黃並漲古溝塘埂清水溝黃家莊四  
盜鵬翻疏入得 諭今春朕諭張鵬翻大水時發難以逆  
料須晝夜防護今古溝等處堤岸衝決河工將有復壞之

張文端公全集

卷首 傳

六

勢此事著九卿科道速議具奏尋議鵬翻不預籌開壩之期力盡防險之法應革職帶罪督修 諭令革職留任於  
是鵬翻督率河員盡力堵塞於九月次第竣工四十五年  
十一月疏言黃河萬里來源匯聚百川至清口與淮交會  
總因眾水歸併一河來源多而去路少一時宣洩不及所  
以兩年水長堤工危險臣率河員往來勘議僉云去路一  
暢則來可容受惟有遵 旨預開鮑家營引河俾黃河異

漲藉此減洩黃河一帶工程可以保固洪澤湖異漲藉此  
暢流高家塘工程得平穩矣再於中河橫堤建草壩二於

鮑家營開引河處建草壩一相機啟閉中河亦不虞淤塞矣下部議從之初鵬翮同江南江西總督阿山漕運總督桑額奏開溜淮套河屢請

上親臨指示四十六年二月

上閱視溜淮套問鵬翮曰爾何所見奏開溜淮套鵬翮奏曰先因降通判徐光啟呈開溜淮套圖樣臣與阿山桑額會同具奏恭請

聖駕躬閱定奪

上曰今日沿途閱視見所列標竿錯雜問爾全然不知河

張文端公全集

卷首

傳

七

工係爾專責不留心可乎鵬翮不能對免冠叩首

上因顧諸臣曰阿山等奏稱於溜淮套另開一河出張福

口分淮水免洪澤湖之異漲保高家堰之危險繪圖進呈今朕從清口至曹家廟見地勢甚高不能直達清口與圖樣迥別且所立標竿多在人墳墓之上依此開河不惟壞

民田廬甚至毀民墳塚張鵬翮以讀書人而爲此殘忍之事讀書何爲又諭鵬翮曰奏溜淮套開河非地方官希

圖射利卽河工官員妄冀陞遷至河工効力人員無一方

正者何故置留河工鵬翮奏曰臣誤聽小人罪實難辭逾

數目

上又嚴飭之下九卿科道議罪尋議鵬翻革職阿山革任  
桑額同安徽巡撫劉光美江蘇巡撫于準降五級調用  
上諭大學士曰聞驗視溜淮套之時張鵬翻桑額皆謂不  
可歸阿山強謂可開公同奏請著將阿山革任張鵬翻去  
所加官保桑額降五級劉光美于準各降三級俱從寬留  
任四十七年九月疏奏黃運湖河修防平穩得旨張鵬  
翻自任總河以來朕指示修築工程殫心盡力動用錢糧  
絕無糜費比年兩河安定堤岸無虞深爲可嘉所帶革職

張文端公全集

卷首

傳

太

著與開復應追銀兩俱著豁免十月內遷刑部尙書四十  
八年二月調戶部尙書四十九年正月奉命往江南審  
布政司宜思恭兌收錢糧勒索火耗並收受屬員餽送得  
實擬絞巡撫于準並不糾劾擬革職從之五十年三月鵬  
翻以父逾八十請假省親得旨卿簡任司農清勤恪慎  
積弊消除部務關係緊要聞卿父精力尙健不必急請歸  
省五十一年十一月復命赴江南審賄中舉人程光奎  
吳泌時江蘇巡撫張伯行疏參總督噶禮通同舞弊於科  
場索銀五十萬兩噶禮亦劾欵伯行命鵬翻同總督



赫壽察審尋奏副考官趙晉與吳泌程光奎賄通關節屬實擬罪如律噶禮劾伯行不能清理案件是實餘屬苛劾應降一級留任伯行劾噶禮索銀全虛應革職贖徒

上切責鵬翻等掩飾和解復命尚書穆和倫張廷樞再往嚴審事詳伯行傳五十二年二月充順天鄉試正考官十月調吏部尚書先是張伯行疏劾布政使牟欽元匿通洋匪徒張令濤

上革欽元職下總督赫壽察審赫壽奏令濤與海賊合夥無證據欽元署中亦無令濤五十二年十月

張文端公全集

卷首 傳

九

上命鵬翻及副都御史阿錫勳至江南審理鵬翻等以伯行誣參具奏

上責鵬翻等不能盡心審明原委令再詳審五十四年五月鵬翻等參伯行巧飾奸欺得旨張伯行著革職看守審理七月奏伯行自認誣參應復欽元職從之又奏伯行誣陷良民妄生異議應斬

上命伯行免罪來京詳伯行傳十一月丁父憂時尚書富甯安勦策妄阿拉布坦

上諭鵬翻暫留辦部務俟富甯安回京再回籍守制五十

七年充會試正考官六十年復充會試正考官會汶水旱  
涸運道梗塞奉 旨往勘疏言臣會同河道總督趙世顯  
巡撫李樹德查勘戴村壩遏汶水出南旺南北分流濟運  
舊設玲瓏亂石滾水三壩年久冲刷應補葺以資捍禦再  
山東運道全賴汶泗二水上流泉源接濟今天旱泉微蜀  
山馬踏南旺諸水無多臣等遵 旨將坎河雞爪等泉疏  
濬并嚴禁民間偷截灌田補築諸湖子提築侵種蓄湖水  
毋致乾涸至南旺分水口係南北分流水脊爲運道要區  
臣等遵 旨妥辦淺於南則閉北閘使分北之水歸於南

張文端公全集

卷首 傳

三

淺於北則閉南閘使分南之水歸於北留主事富明德御  
史梅琮駐分水龍王廟以時啟閉再於彭水南岸建挑水  
壩一北岸截去沙嘴挑盡淤沙使水挾沙暢流直入微山  
湖則蓄洩有資運道自無阻滯再查邳州邱家樓一帶低  
窪之水並無積滯太行堤延滾數百里其曹單豐沛等縣  
坍塌處交河道總督及直隸河南巡撫修築下部知之九  
月直隸總督趙宏燮奏河南武陟縣黃沁衝決堤岸水溢  
至長垣等處山東巡撫李樹德奏河水泛溢自直隸開州  
流入山東張秋等處由鹽河入海致運河堤決漕船阻滯

命鵬翮同總漕施世綸查勘十二月鵬翮等疏言臣等由山東張秋循流而上查黃河決口在武陟縣之釘船幫支河口衝入詹家店之魏家莊及馬營口今副都御史牛鈕河南巡撫楊宗義於支河口築攔水壩魏家莊已經堵塞馬營口水已消落指日成功其引沁入運之處臣相度地勢西北高而東南下若引水直下恐牽動全沁灌入堤內而黃河直躡其後反覺無益山東運道在張秋則有沙河等水分水龍王廟則有南旺等湖濟甯則有馬踏等湖又有諸山泉本可濟運祇因湖堤殘缺民間竊種湖旁之地

張文端公全集

卷首 傳

三

未有儲水而諸泉壅塞又未疏通以致漕船時患淺澁臣等已交李樹德築堤蓄水疏濬泉流運道自可通利得

旨回奏甚屬明晰卽令照依所奏不得稍有更改六十年十二月加太子太傅雍正元年二月授武英殿大學士賜御書嘉謨偉量匾額六月河南黃沁漫溢決馬營口奉命查築三年二月進明臣鄧鍾所著籌海重編未幾卒遺疏入得旨張鵬翮秉性孤介持躬廉潔前任總河懋著勤勞入領銓曹恪謹供職因効力有年簡任機務近值請假養疾遣醫診視必整肅衣冠極其恭敬忽聞溘逝朕心

深爲軫悼著加少保於卹典定例外再加祭一次 諭致  
祭日 命大小漢堂官給事中御史齊集 賜全葬謚文  
端八年 詔祀賢良祠

張文端公全集

卷首傳

三

端八年

傳

三

端八年

命大小漢堂官給事中御史齊集

賜全葬謚文

端八年

詔祀賢良祠

三

遂甯張文端公年譜

履歷

官聯

時事

著作

順治六年<sub>己丑</sub>

十一月十七日壬申  
公生於順慶府

大學士譚泰范文程  
洪承疇史尙陳名夏  
禮尙王崇簡刑尙黨  
從雅

川督李國英巡按郝  
浴皆駐保甯時蜀初  
平流移未復

十八年<sub>辛丑</sub>

公年十三撥入新甯  
縣學以道遠不赴

大學士甯完我陳之  
遴吏尙孫廷銓戶尙  
王宏祚兵尙霍達工  
尙蘇納海

學道席敘事河督楊  
方興以前河凡六決

康熙三年<sub>甲辰</sub>

張文端公全集

卷首 年譜

公年十六聯州道試  
皆第一入學

大學士魏裔介吏尙  
伊圖刑尙龔鼎孳

學道孫堯表河督朱  
之錫

五年<sub>丙午</sub>

公年十六娶同里唐  
君倫女

大學士班布爾善馮  
銓禮尙李若琳

有信陽子卓錄上下  
卷

六年<sub>丁未</sub>

公年十九長子懋誠  
生

刑尙李化熙

有第一精舍讀書記

八年<sub>己酉</sub>

公年二十一以詩經  
中本省鄉試

戶尙米思翰刑尙朱  
之馮左都馮溥

典試戶郎崔爾仰吏  
外白意房考藩之彪

九年<sub>庚戌</sub>

公年二十二會試中  
式 賜進士出身

總裁大學士魏裔介  
刑尙龔鼎孳侍郎王

以前河凡八決同科  
有王揆李光地徐乾

有御試太和殿恭  
紀一律有館課教知



授內宏文院庶吉士  
蒙 覃恩誥封

十二年 癸丑

公年二十五改刑部  
主事充律例館會典  
館纂修官京察一等  
仍列詞臣班引見

清學士田逢吉房考  
主事丁蕙

學趙申喬牛鈕

格物論

十四年 乙卯

公年二十七充順天  
鄉試同考官取中春  
秋玉瑞等十一人

大學士圖海薩賜履  
刑尙張玉書左都姚  
文然

河督王光裕以前河  
又五決

奉 旨學喇沙里謂  
國書也

十五年 丙辰

公年二十八充會試  
同考官取中禮記王

大學士索額圖戶尙  
伊桑阿尙冀如錫

河督靳輔

張文端公全集

卷首 年譜

二

吉武等十六人武會  
試同考官取邢簡等  
三十八人次子懋齡  
生

左都宋德宜

十七年 戊午

公年三十陞禮部祠  
祭司郎中磨勘試卷

大學士明珠刑尙宋  
德宜左都魏象樞

十八年 己未

公年三十一充會試  
提調官殿試執事官  
延試貢士閱卷官取  
楊必億等

大學士李蔚馮溥杜  
立德掌院葉方藹

開鴻博科準部噶爾  
丹叛

十九年 庚申

公年三十二 賜太  
液鮮鯉銓補江南學

大學士吳正治刑尙  
魏象樞左都徐元文

偽將軍汪文元偽撫  
張文德降四川平

有治蘇事宜疏不具  
上

道改蘇州知府丁內  
艱歸

二十一年 壬戌

公年三十四侍遊漢

陽

大學士王熙禮尙帥  
顏保刑尙果斯海兵  
尙李之芳工尙伊桑  
阿左都徐旭齡

三藩平

有紀遊草

二十二年 癸亥

公年三十五服闋補

兗州知府

左都余國柱

川撫張德地布政劉  
顯貴成都府冀應熊

釋寃民十三全婚姻  
一修學宮修府志成

二十三年 甲子

公年三十六

上謁 孔林召與陪祀主  
補山東武鄉試取王  
琦等六十八

大學士宋德宜吏尙  
伊桑阿工尙撤木哈

公舉天下清廉吏七  
人公與焉其六人格  
爾古德范承勳蘇赫  
趙崧崔華陸隴其

有登岱詩釋寃民耶  
世榮等凡六案東撫  
徐旭齡薦公凡十一  
條

張文端公全集

卷首 年譜

三

二十四年 乙丑

公年三十七抵前陞

河東運使任

大學士李之芳戶尙  
科爾坤工尙陳廷敬

鹽院勒信撫圖納布  
政馬齊按察布雅務

修歌薰樓成有詩修  
關夫子志成

二十五年 丙寅

公年三十八陞通政

司右參議轉兵部督  
捕右理事官

戶尙佛倫熊一瀟工  
尙徐乾學左都胡升  
猷

與侍郎石 議督捕  
三弊與湯潛巷許酉  
山王岳生諸公講學  
不懈

有讀來矣辭易記有  
題丁夫子讀易圖判  
旗丁鍾直女歸民薦  
黎城知縣陳大夏

二十六年 丁卯

公年三十九懋誠中

本省鄉試

吏尙陳廷敬工尙阿  
蘭太

俄國約和

聞家信賦詩志喜

二十七年 戊辰

公年四十出使俄國

八月復 命充武殿

內大臣索額圖都統  
佟國綱給事中陳世

督河王新命以前河  
決十二

有出使行程紀一卷  
紀異詩一卷補 幸

試讀卷官轉左再陞  
大理寺少卿

安偕行

魯詩於禮部

二十八年 巳

公年四十一扈從

南巡闕視中河至文  
河口歷覽名勝陪祀

大學士徐元文伊桑  
阿禮尙顧八代左都  
郭琇

詔議河工時斬輔主  
塞下河

有韵笑泉詩與學士  
李光地論易頒條約  
六則

三十年 辛未

公年四十三

上諭襲公修浙志

大學士伊桑阿吏尙  
李天馥工尙張英

川藩趙良璧

別漕弊二十四條鹽  
弊四條命案五條

三十一年 壬申

公年四十四元旦日

食

大學士阿蘭泰禮尙  
熊賜履

河督靳輔

全完錢糧親勘海塘  
有觀潮詩

三十二年 癸酉

張文端公全集

卷首 年譜

四

公年四十五上請免  
捐穀疏上請陞見疏  
部議革職 詔留任

大學士張玉書吏尙  
熊賜履左都范承勳

設救生船修育嬰堂  
放告刁誣者刻士鏡  
錄身鏡錄俾各自贖  
省

三十三年 甲戌

公年四十六陞兵部  
侍郎改江南學政長

孫勤望生

疏參朱焜違律重要  
爭奪 封典

三十四年 乙亥

公年四十七

過丹陽弔孫堯表先  
生

刊學政條約行月課  
興社學

三十五年 丙子

公年四十八

上征鴨爾丹還宮行慶賀

河督董安國

有盪平漠北賀表紀  
行詩多不具題



禮間 天語優獎

三十六年 丁丑

公年四十九陞見蒙  
獎天下第一等人拜左  
都御史遣祭西嶽鎮  
瀆便省親也

川撫于養志  
回京奏秦民受累晉  
撫私漏

紀行詩多

三十七年 戊寅

公年五十侍經筵  
賜宴太和殿赴陝審  
案歸途復赴督撫道  
得罪有差陞刑尚

大學士吳璠刑尚傅  
臘塔王士禎

河督于成龍

三十八年 己卯

公年五十一出督兩  
江至揚州迎 駕再  
馬齊禮尚韓葵

大學士伊桑阿戶尚

江撫宋榮安撫李銅

有題承安寺鐘詩

張文端公全集

赴陝結案

卷首 年譜

五

三十九年 庚辰

公年五十二回京尋  
調河督

大學士馬齊

副總河徐廷璽裁任  
薦靳讓梁任等四人

有陳三事帶河員等  
疏餘不具題

四十年 辛巳

公年五十三在工所  
資本臬司趙世顯還  
蒙 賜多品

大學士伊桑阿馬齊  
吳鼎熊賜履張英

黃河清三日

有請免河官賠累疏  
請 賜河神封號疏  
改濟中河等疏三義  
壩聽雨詩

四十二年 癸未

公年五十五在工所  
上南巡視河工至邵伯更  
樓 賜准黃告成詩  
及封公扁額 加公

大學士馬齊陳廷敬

有奉和 聖製淮黃  
告成詩步韻河工疏  
多不具題

太子太保河官各加  
級有差

四十四年 乙酉

公年五十七在工所  
上復南巡見於舟中 賜  
坐并克食多品

大學士李光地

四十六年 丁亥

公年五十九東光縣  
接 駕召籌河工善  
後甚詳

大學士馬齊吏尚馬  
爾漢

四十七年 戊子

公年六十東撫趙世  
顯接河督任 詔免

戶尚王鴻緒

在工九年命舉代者  
故有是命

張文端公全集

卷首 年譜

六

賠款四萬餘開復處  
分

四十八年 己丑

公年六十一回刑部  
任旋轉戶尚審案江  
南復 命再往

吏尚富甯安刑尚張  
廷樞

時噶禮參宜思恭等  
數十員大案也噶必  
欲殺蘇州知府陳鵬  
年

薦鳳陽知府李陳當  
為鹽法道

五十年 辛卯

公年六十三再往江  
南審結前案科場案  
作公偕漕督赫壽奉  
審未結

刑尚齊世武下永豐

蘇撫張伯行參噶禮  
科場受賄

五十二年 癸巳

公年六十五典順天  
鄉試取中霍九錫等

戶尚趙申喬禮尚陳  
誥

薦滇藩李發甲升浙  
撫薦許惟樸田軒來

有議止通倉捐納疏  
有 萬壽頌

疏薦陳鵬年蔣陳錫  
有德州石佛閣詩安  
東途中口占

二百三十八人封公  
入京恭祝萬壽  
御賜多品公升吏尙  
充殿試讀卷官

五十三年 甲午

公年六十六審案江  
南復命仍往者再  
於山東新城過歲帶  
張伯行回京

五十四年 乙未

公年六十七按勘福  
建運米鎮江聞訃請  
奔喪不許疏凡十餘  
上終不許

五十五年 丙申

張文端公全集

公年六十八 御賜  
多品

吏尙赫碩色

卷首 年譜

七

爲御史

詔舉似李陳常者公  
舉陳鵬年

鎮江常州上海所審  
各案定擬具疏供

時準鳴爾策安阿拉  
布坦復叛富甯安出  
師

陳情疏存者三

傅爾丹駐阿爾台山  
凡行取不必盡由督  
撫山奏亦不限錢糧  
盜案依川督能奏  
議也

五十六年 丁酉

公年六十九服滿傷  
懷懋誠升戶員

大學士松桂刑尙賴  
塔左都徐元夢

奏對川撫年羹堯平  
苗迅速又對京尹余  
正健操守好刑侍李  
鴻無敗德李故公保

五十七年 戊戌

公年七十充會試正  
考官取中楊爾等一  
百七十四人陪祭  
新陵懋誠知遼陽州

大學士王頊齡戶尙  
趙申喬工尙徐元夢

薦陳鵬年宜往河工

疏請歸葬不許

五十八年 己亥

公年七十一元旦日  
食不食陪祭  
天壇鵬飛詞河官懋誠派  
往陝西軍營

禮尙陳誥左都田從  
典

西藏達哇南占巴叛  
薦祭酒李周望行取  
官陸師以爲正詹吏  
郎

五十九年 庚子

公年七十二弟鵬翼  
子懋文中本省鄉試

禮尙具和諾蔡升元  
左都朱軾

年羹堯奏三路平藏  
東撫請以火耗補虧  
空公持不行

有元旦早朝詩有僕  
張聲之墓志銘

六十年 辛丑

公年七十三充會試  
正考官取中儲大文  
等一百七十四人山  
東勘河江南問案

大學士馬 禮尙陳  
元龍

河督趙世顯去任爲  
提督趙珀虧空案故  
也陳鵬年署總河

有復沁河不可入運  
疏

張文端公全集

卷首 年譜

八

六十一年 壬寅

公年七十四 宴六  
十歲以上官一百六  
十七員 賜御稻

大學士王揆王頊齡  
與公同席

牛鈕奏馬營決口長  
樊大壩亦決

有早朝應 制七絕  
有自題小像詩

雍正元年 癸卯

公年七十五拜大學  
士仍管吏部事 御  
賜多品懋誠升御史  
公出勘河 賜路費  
千金 賜宰輔誥命  
四代 命行掃青禮  
得假旋蜀 賜詩寵  
行

大學士公白潢吏尙  
隆科多戶尙田從典  
禮尙張廷玉刑尙勵  
廷儀

黃沁並溢姚期口青  
海羅卜藏丹津叛總  
河齊蘇勒河無石文  
焯欽使侍郎稽曾筠

有辭新命疏堵塞馬  
營決口疏詳議築工  
疏有請假省墓疏

二年 甲辰

三年乙巳

公年七十六歸於京師 御賜多品有疾 御醫調治懋誠轉給事中

公年七十七薨於京邸 賜內金千兩治喪 益文端歸葬遂甯 懋誠至右通政勤望 至萊州知府

大學士田嵩徐元夢 兵尚法海

青海平

大學士田從典朱軾

川陝總督岳鍾琪

舟中吟詠成帙 有進海防疏

有日月合璧五星瑞 珠頌進聖學心法疏 謝免賠累疏

張文端公全集

卷首 年譜

九



公年七十六薨於京師 御賜多品有疾 御醫調治懋誠轉給事中 大學士田嵩徐元夢 兵尚法海 青海平 大學士田從典朱軾 川陝總督岳鍾琪 舟中吟詠成帙 有進海防疏 有日月合璧五星瑞 珠頌進聖學心法疏 謝免賠累疏

自昔淮行於南黃行於北各自達海黃與淮會變也宋元以後黃淮始合資黃濟運用淮刷黃昔取其分今取其合淮不與黃會又變也大抵淮與黃合其勢必強與黃離其勢必弱數年來黃淮失軌運口淤爲平陸臣鵬翮之薦

簡命也恭請

訓旨

上曰黃河何以及使之深清水何以及使之出太學士僉謂翮曰宜敬釋斯語蓋黃不深則攔入運河所病者在國計清不出則漫入下河所病者在民生大哉 聖謨固已抉理

張文端公全集

卷首

論

一

水之精微握平成之全算黃淮會萃前定於片言中矣既至河干日講求所以深黃出清者於是言人人殊有欲用鐵龍爪揚泥車往來蕩滌者予曰此黃庭堅之所傳以爲笑者也前剔後淤何損於河之尺寸乎有欲復老黃河者予曰昔季馴潘公已力排之矣有欲引睢水助清刷黃者予曰睢水涓流無裨實用且遠在百數十里外費鉅難成皆築舍也至出清則全無一策予於時不避暑雨減騶從拏一芥之舟於河則自開歸至雲梯關以下於淮則溯洪湖至盱泗以上博攷圖經旁諏父老憮然曰欲深黃其必

開海口欲出清其必塞六壩乎夫海口不開譬人之饜飧者果於腹而尾閭不暢未有不脹悶者也六壩不塞譬彼漏卮隨注隨竭未有停蓄而資吾之用者也且夫深黃出清其途似殊其實相爲用黃不深則常虞倒灌而清不可出是治河卽所以治淮也清不出則無由冲刷而黃不能深是導淮卽所以導河也於是拆攔黃壩杜諸決口培大河南北之隄束水以攻沙向之河身三四尺不等今至四五丈而黃深矣於是堤唐堧六壩開張福諸引河挽全湖之水涓滴不使漏洩向之清口堙爲平陸者今且浩然沛

張文端公全集

卷首

論

二

然而清出矣清出則轉弱爲強黃深則化強爲弱強弱之勢旣易而後淮乃與黃會焉蓋康熙三十九年十一月也夫自古之談治河者紛如聚訟漢爭屯氏宋籌二股終莫得要領上無聰明果斷之君遂以大患大災任之氣數我皇上以灑澹奇功約之兩言千變萬化罔不在其環中卒使淮黃順軌上裨國計下奠民生亶聰首出於此具見之矣烏可以不書

按物理論曰黃河百里一小曲千里一大曲楊慎謂黃河九曲其說出河圖緯象河導崑崙山名地首爲權勢星一曲也東流千里至規期山名地契上爲距樓星二曲也卻南千里至積石山名地肩上爲別符星三曲也卻南千里入隴首間名地根上爲營室星四曲也南流千里抵隴首至卷重山名地咽上爲卷舌星五曲也東流貫砥柱觸闕流山名地喉上爲樞星以運七政六曲也西距卷重山東至洛會名地神上爲紀星七曲也東流至大伾山名地肱張文端公全集

卷首 論

三

上爲輔星八曲也東流過澤水千里至大陸名地腹上爲虛星九曲也惟其千里一大曲百里一小曲故河雖善淤而無停滯之患假令寸寸而爲曲折則水阻沙停河之潰決不可勝言矣

皇上三十八年閱視河工畢諭大學士曰朕欲將黃河各險工頂溜灣處開直使水直行刷沙若黃河刷深一尺則各河之水少一尺深一丈則各河之水淺一丈如此刷去則水由地中行而各壩亦可不用不但運河無漫溢之虞而下河之水患似可永除矣四月復奉旨黃河灣曲



之處俱應挑挖引河前河臣奏稱徐州楊橫莊一帶已遵旨陸續挑挖奉 旨凡有灣曲之處俱各挑直高郵等處運河越堤灣曲亦著取直會前河臣病沒未及舉行臣鵬翮至獨棹小舟沿沂南北河岸審視水勢見頂衝大溜之處對岸必有沙吻挺出此河曲之故也於曲處挑挖引河以殺其勢則險工自平因訊河官何故稽遲皆稱挑挖引河需費多挑後必逢大溜衝刷乃能成河若遇緩水率致淤墊例應追項是以人心懼縮予曰追項之例以警虛飾誤工者耳若實心任事挑後偶淤非人力之罪吾當仰乞

張文端公全集

卷首 論

四

聖恩免其賠修乃申前 諭別緩急於徐得楊橫莊於邳得戚字堡於桃得談家口於安得汪家莊凡四處河形屈曲之險工也而時楊橫莊爲最急莊在黃河南岸於對岸掘去沙壩爲引河一凡千八十七丈河首南岸置迎水壩一迎挑水勢偪溜入河而徐州之險可平矣戚字堡在黃河北岸於對岸挑引河一如楊橫莊凡五百七十丈導河水直流南下而邳州之險可平矣談家口河勢改易大溜外行工可緩也故前估而今寢之惟張家莊在黃河南岸大溜頂衝宜對顧家灣挑引河一凡九百一十丈引河口下

置攔壩一約水匯入引河而桃源之險可平矣汪家莊在黃河北岸以桃汛水發沙叻刷卸自然成河無庸施工疏上

上亟報可遴員開挑而安東黃河其身最狹僅六十餘丈萬里水勢收束太急自時家馬頭至尹家莊河身曲甚對岸沙洲偪溜直射韓家莊韓莊以下又突出沙叻偪溜直射便益門堤高於城人居釜底此韓家莊便益門於安東黃河兩岸稱劇險也乃自時家馬頭引河尾曲處挑直使黃水順流而下至韓莊對岸新淤截河沙洲穿中引黃直張文端公全集

卷首論

五

下冲刷沙叻則尹韓二莊便益門三險可平而安東城郭人民可以高枕矣北岸引河一自時家馬頭東對南岸引河尾新河頭起至便益門新河尾止凡五百四十丈南岸引河一自韓家莊東對北岸引河尾新河頭止凡五百二十丈皆遵

皇上挑曲取直之意疏上又報可次第鳩工往來程課汛員以請豁賠修罔不踴躍從事六大溜平河直如矢依稀百里一小曲千里一大曲之舊歸墟向若無所齟齬永無旁挺橫溢之患果不出睿算中矣

清口者運河入黃之口卽淮水所從出之口也前代未有黃河惟泗水逕角城從西北來與之會同入於海皆清流也而泗更清於淮無石水六泥之濁以滓之故唐宋以前不聞清口齟齬之患清口之患自有黃河始也黃河之爲清口患自淮水奪堰東注不能敵黃始也按史記河渠書禹抑洪水功施於三代自是以後滎陽下引河東南爲鴻溝以通宋鄭陳蔡曹衛與濟汝淮泗會於楚西方則通漢川雲夢之際東方則通鴻溝之間於吳唐宋以後都會不

張文端公全集

卷首 論

六

同至由淮以達帝都清口爲之襟領其勢一也宋陳敏議戍守云長淮二千餘里河道通北方者五清汴渦潁蔡是也通南方以入江者惟楚州運河耳周世宗自楚州北神堰鑿老灌河通戰艦以入大江南唐遂失兩淮之地將謀渡江非得楚州運河無緣自達由是觀之清口一線實關形勝又非獨國計民生而已顧以全淮之水會萃洪湖環數百里以一線之口洩之已可寒心加以淤墊如塞小兒口而止其啼欲不旁挺橫溢爲淮揚患得乎恭讀我

皇上三十八年巡幸高家堰閱視畢隨 諭曰運口太直

黃水倒灌兼之湖口淤墊清水不能暢流何以敵黃宜於湖水深處別鑿一引河以導水出清口又曰清口最爲緊要如不將清口挑濬高堰堤工并運口堤工縱加高厚均屬無益十二月復詔曰比年淮揚所屬地方罹於水患生業蕩然朕懷深切軫念屢經蠲租賑災迺黃河墊高清口低下淮水不能流出百姓仍被水災弗獲甯宇今或堅築高堰堤工以束淮水多開引河使之衝黃宜一一講求臣鵬翮之來也

上復訓之曰河底何以使之深清水何以使之出鵬翮悚

張文端公全集

卷首 論

七

惕承 命至則凡

上指所及者不敢悠悠以少需於是

開海口黃有所歸矣塞六壩淮無所漏矣開張福口裴家場張家莊爛泥淺三岔河又益以天然天賜凡七引河淮流沛然而出矣開七引河者導淮以刷清口也塞六壩者束淮使歸清口也開海門者殺黃之勢不使倒灌清口也時水患方殷予東至海壩南至江表西至開歸北至徐兗殆無煖席稍有寸晷之隙必棹小舟徘徊於惠濟祠蓋精神無時不注於清口而治清口又無時不注於引河迨七引河成於是十餘年斷絕之清流一旦奮湧而出淮高於

黃者尺餘揚帆直渡曾不移瞬又清水初出猶慮淮爲黃  
弱題建兩攔壩備節宣及七引河滂沛蕩滌無餘運口濶  
至九十三丈  
皇上以宵旰憂勤釋民墊隘民之所欲天必從之不信而  
有徵哉

張文端公全集



卷首論

八

自序  
上  
卷  
六  
十  
三  
丈  
宣  
及  
七  
引  
河  
滂  
沛  
蕩  
滌  
無  
餘  
運  
口  
濶  
皇  
上  
以  
宵  
旰  
憂  
勤  
釋  
民  
墊  
隘  
民  
之  
所  
欲  
天  
必  
從  
之  
不  
信  
而  
有  
徵  
哉

論治清口二

江淮河濟謂之四瀆瀆者獨也以其不因他水獨能達海也考禹貢導淮自桐柏東會於泗沂又東入於海今自泗口以下雖盡爲黃所奪其勢固無殊也惟是黃水薈萃眾流來自萬里力大而勢強淮源近出豫州北禦黃南資運力分而勢弱此清口所以常齟齬也况頃年六壩洞開全淮東注清口久爲平陸上厯 宸衷臣受 命請訓以導

淮機要必於清口因思淮之不治全在門戶塞六壩杜旁蹊也闢清口開正路也二者難分輕重而湖勢方盛六壩

張文端公全集

卷首 論

九

且爲後圖先闢清口庶正路開而旁蹊之勢亦殺夫淮之涓滴不至清口久矣非多爲引河以導之則不出於是獨棹小舟泝三港穿柳林直造洪湖中流歷審形勢知淮水舊在湖西其爲六壩牽引而東者非經瀆也按南河志淮河舊有張福王簡二河季馴潘公慮其流分而力薄爲堤塞之今清口淤墊入湖幾三十里惟茲二港渟深賈舶湊焉其首適與張福口接於此開挑引河淮水必出議上

天子然之乃量工命日親自程督不閱月而引河已成凡一千三百三十五丈又於河尾置挑水壩由是清流奮迅

而淮黃始會以張福河爲首庸焉時張福迤南裴家場又開引河旣成嘆其分而減力不足刷黃也乃會張福河於裴家場而其流益沛張福河底堅而裴場多沙亦藉以冲刷也迤南又有爛泥淺引河屢浚未就於是決其淤而深之武家墩之北舊有三岔河自淮流久斷惟此一綫僅存然秋冬水落仍爲陸地乃督弁兵濬通之於是有四引河矣前此清口旣淤土囊無口至是驚流盪滌濶至三十餘丈猶慮不足暢全淮而發其浩瀚之氣也維時唐埂六壩旣堅塞之矣乃亟走壩上命工度其尺寸六壩共得二百

張文端公全集

卷首 論

十

八十丈憮然曰以三十餘丈之口而欲洩二百八十丈初回之水宜其趲趲而不盡出也乃詳度張福裴場二河之間迎湖大溜復鑿大引河一道濶二十丈深一丈長一千六百七十丈名曰張家莊河於時凡爲引淮之河者五旣會張福河於裴家場又益以大引河需資其力以刷黃又會爛泥淺於三岔從七里河逕文華寺專用其力以濟運又虞其勢之偏注也於清口之上築壩臺一座逼淮水三分濟運七分敵黃諸河頭水勢相連沛然而出會淮水壯激醜爲二河土人神之名曰天然河天賜河在張福裴場

之間於是凡有七河控引清流奮其形勢比至清口混茫  
澎湃而淮之門戶大闊廣至百有餘丈淮至是乃與黃會  
黃不敵淮淮且高黃數尺自惠濟祠上下十餘里練影澄  
瀾與天一色濁流數點微茫煦沫循北岸而已  
皇上明德豐功豈不遠哉

張文端公全集

卷首論

十一

皇土即齋豐也豈不遠哉  
臨與天一色濁流數點微茫煦沫循北岸而已  
黃不敵淮淮且高黃數尺自惠濟祠上下十餘里練影澄  
瀾與天一色濁流數點微茫煦沫循北岸而已  
皇上明德豐功豈不遠哉



論塞六壩

兩河之關鍵在高堰高堰堅閉則淮流之趨清口者強而黃自弱黃淮順軌南北分流則漕渠常利而民生亦無墊溺之患潘公季馴已試之效具河防一覽者可睹已明萬歷二十二年洪湖暴漲楊公一魁用治標之法於周家橋建閘減水由草子河徑子嬰溝以達廣陵湖於高良澗建閘減水由三汊河徑涇河以達射陽湖於武家墩建閘減水由通濟河徑澗河亦入射陽湖於是洪湖始有數寶矣然昔之爲閘者啟閉以時尺寸有度取減去有餘之水而

張文端公全集

卷首 論

三

已故其閘內橫以石鍵不使通舟閘下引河翼以長隄減去之水亦不致漫溢爲患其後商販規避權稅利出入之便官司徇縱視若通津汕刷愈深不可收拾淮揚恆被其毒寢失前人建閘遺意矧洪湖自桃源屢潰黃流挾沙而入墊爲平陸者三十里許昔之淮南高而北下今之淮西亢而東傾又有數寶爲之牽引欲拂其就下之性而使之還向清口難矣前河臣廢武墩高澗二閘於唐堰改設六壩當時見湖水之有餘未逆睹清口之不足耳年來淮日趨而東北流斷絕昨淮湖交漲洪塘盡圯高寶興鹽諸邑

滂爲巨浸民生墊隘運道齟齬則漏卮不可不塞誠經理  
兩河之要籌也先是康熙二十六年

上諭修理下河成功不在高郵州所有閘壩而在堵塞高  
家堰之壩仰見我

皇上聖明旁囑欲釋下河之昏墊必自堅閉高堰始矣洎  
前河臣于成龍申塞六壩之請會以病沒未底厥績而其  
年水復大至已堵三壩旋委洪流於是堵塞之成議蓄縮  
莫敢肩其事鵬翮始至念秋汛方屆洪濤洶湧畚鍤難施  
急則多損物力當俟深冬水落然後鳩工况諸公方有幫

張文端公全集

卷首 論

三

築高堰之役諸壩塞則湖水必高勢將束手非計之得也  
迨九月乃總率河員詣二壩爲文以祀淮湖之神身參洪  
流指示籌策不踰月而塞其五止留夏家橋一壩以待鳳  
泗漕船之歸未幾亦塞於是淮黃始會而平成有象矣則  
皆我

皇上定計於十數年之前而左契收之者也烏可以無紀

論歸仁堤

歸仁堤在宿遷桃源之境明萬歷六年潘季馴江一麟所  
葺治長七千六百八十丈亘四十里以障睢汴二渠及邳  
家白鹿諸湖之漫溢兼殺洪湖水勢也大約淮揚屏蔽其  
關鍵在高堰次卽歸仁堤高堰不固下河俱爲魚鱉歸仁  
不堤睢汴卽鹿諸水闌入洪湖益助滔天之勢而高堰危  
矣此河防之機要也我

皇上聖學淵深於山經地志無不該覽於河工則三舉

鑿輿徧歷河干討求曲折故其所指示要害皆從古籌河

張文端公全集

卷首

論

古

者所未及康熙三十八年諭曰歸仁堤人皆稱係保護

明季皇陵此妄談也三四十里之堤何關風水此堤端因

水漲時毛城等舖橫流至歸仁堤卻回仍入黃河故耳應

酌量修築 睿鑒固超人萬萬矣復諭前河臣子成龍

曰要緊應修兩岸看河圖內歸仁堤便民閘等口俱已堵

塞毛城舖以下等口俱未堵塞旣塞便民閘等口毛城舖

等口所出之水將歸何處必定散漫大爲民害此處關係

緊要當急籌一策及康熙三十九年臣鵬翮親率河員相

度先是子成龍擬於四堡開挖引河由胡家溝而出黃河

鵬翮按其地勢頗亢且係沙土難以施工惟起涵洞口訖老堤頭迤東地勢少窪湖水高黃水七寸六分於此開置引河便計工長三千八百二十三丈有奇於黃河縷堤出水處建石閘築土壩以備黃水之入於五堡建磯心石閘黃河異漲則閉縷堤閘開五堡閘以備湖水之出又於引河南北岸築約水堤並塞決口加甃石工使無旁溢引水歸黃可以衝刷河身可以免民墊隘可以減洪湖之浸使高堰無虞疏上

上嘉其合理 詔速行於是尅日興舉役不淹時費無浮

張文端公全集

卷首 論

五

冒工甫訖而河身果以衝刷而深田廬果以水落而出洪湖之巨浸果以客流不入而平是役也費以二十八萬餘計自高堰外惟此爲大而功實相爲表裏云

一挑空引河之法審勢貴於迎溜而施功宜於深濶且俟水大漲乘機開放則有一瀉千里之勢不可太窄窄則受水無多遽難挽溜以入新河不可太淺淺則水不全趨勢緩仍墊不可過短短則水流不舒爲正河所抑洄洑漩淤須寬六十丈或四十丈須長二千丈或千餘丈方趨溜有勢而成河不可太直直則平緩而無波瀾湍激之勢久亦漸淤也必隨黃河大勢開挑俾其河頭迎溜河尾洩水中間灣處急溜衝刷漸次河岸倒卸再於河頭築接水埽壩

張文端公全集

卷首

志略

六

河尾築順水埽壩對河築挑水埽壩庶引河可成也一幫築隄工之法凡屬河道必築隄束水歸漕以防旁溢無論帮築加幫總以老土爲佳但黃河兩岸率多沙土恐難盡覓老土須於隄完後務尋老土蓋頂蓋邊栽種草根以禦雨林衝汕一捲埽下埽之法凡應用埽箇須捲長十丈八丈者方穩高一丈者埽臺要寬七丈方捲得緊如遇隄頂窄狹者架木平隄名曰軟埽臺然後捲下先將柳枝網成埽心總束充心繩揪頭繩取蘆柴之黃亮者繙打小纓總繫於埽心之上每丈下鋪滾肚麻繩一條或不必用麻者

卽用蘆纜又將大蘆纜二條行繩一條密鋪於小纜之上鋪草爲筋以柳爲骨如柳不足用柴代之均勻鋪平需夫五六十名如長十丈者共需夫五六百名八丈者四五百名用勇健熟諳埽總二名一執旗招呼一鳴鑼以鼓眾力牽拉細捲後用犖桿截推埽臨岸時將小纜均束於埽上岸上每丈釘下留橛二根將滾肚繩挽於留橛之上每揪頭繩一根亦釘留橛一根看水勢之緩急定揪頭繩之多寡漸次將埽推入水中將橛頭滾肚用活扣結於留橛之上然後緩緩壓土俟埽將次沉下乃下排椿每丈用一尺

張文端公全集

卷首

志略

七

八寸木一根若水勢湍激頂衝埽灣並合龍之埽須用大木不在一尺八寸之例每丈用料物細數照見行工部則例配用一黃河內下埽之法凡黃河內埽工有修防有救險有搶險有新生險修防工程於霜降後水勢退消驗查舊埽傾欹者蟄陷者卑矮者朽爛者須將舊埽清消平妥相機補下層層簽釘大椿照依大汛水漲之痕仍高出數尺一律下成順埽薄敷以土俟其蟄定方可下丁頭埽若埽未蟄實卽下丁頭埽前順埽一有蟄陷將別埽俱動矣其救險工程將有危陷埽尙未去急須臨河添壓大埽長

椿靠隄急清舊埽恐爲匯崖填之以軟草將兩旁安穩之  
埽亦須補下大椿併力救護勿使走動則工程易矣其搶  
險乃因舊埽朽爛或因頂衝急溜埽下衝激空虛舊埽全  
去水匯崖岸舊隄坍塌卸岌岌堪虞當此皇皇之際惟有審  
其事之先後埽之緩急若誤下一埽誤釘一椿反致逆溜  
湍激衝刷舊隄欲去不能每致僨事須責令久慣埽手或  
熟諳人員殫心料理責任旣專令其度量穩妥然後急爲  
接下埽箇晝夜搶下庶舊隄無虞兩旁之埽平穩矣其新  
生險工每於舊險工之上下黃河大溜一時衝至埽傍舊

張文端公全集

卷首

志略

六

隄坦坡坍塌急須下埽直至開溜之處而止大率黃河埽  
料以柳柴爲重次則枯草椿必長大繩須堅實至於壓土  
非比清水埽箇黃水一入埽中卽泥沙停滯若壓土太厚  
反恐欹卸俗云下埽無法全憑土壓者乃別言清水之埽  
也一黃河塞決之法凡黃河初決且不必急計裏頭亦不  
必急計堵塞初開之時水勢洶湧未可與爭惟看其出口  
急溜若有奪河情形須建挑水壩以遏其勢上流挑窄引  
河以挽其流速運積料物料旣積矣猶在得時時可堵  
矣裏頭舊隄務必多下邊埽堅固停妥然後逐漸進埽埽

不可緩緩恐決口漸深又不可急急恐下埽有失埽必欲其大而長長大則穩捲埽首重於繩纜其揪頭滾肚必須長壯務使繩勝埽莫使埽勝繩埽既下矣薄用土壓埽將沉於水方釘簽樁再加套埽其樁亦必須長大計埽將到底方可再進沉水將次合龍之際須多備在工料物恐防合龍後每因墊陷復決也宜於合龍之時晝夜兼工堵塞過有毛道過水或係樁頂不平或係埽手作弊故留罅隙必須急爲壓土使其平實於罅隙用稻草或紅草塞之務使斷流若涓涓不息漸至蟄陷不急搶救則潰矣欲杜樁

張文端公全集

卷首

志略

五

埽手之弊惟有恤其勤勞厚以賞賚不必按日計值惟其事以成工爲主則工易舉而成亦速至決口初開時不係頂衝之處出口勢緩去口平散亦不必急計堵塞久之率多掛口淤墊也一建築挑水壩之法凡黃河迎溜之處宜建築挑水壩又名順水又名磯背又名馬頭其功最大如清河縣境內之運口每爲黃水急溜直逼卞家汪關攔清水不得暢出以致運口淤墊陶家莊引河數挑不成仰遵聖謨指示於運口迤西築挑水壩一座將黃水挑逼北徙清水得以暢出陶家莊引河得以成功今二瀆合流河工



告成者攸賴於是凡遇有險工之處照式築之裨益非小  
酌試建築之法壩欲其寬不可甚長須做雁翅邊埽以順  
上流勿使埽頭逆溜有掀揭之虞若離縷隄遠者須接築  
格隄捍禦以防異漲時黃水溢於壩後有衝刷之虞

張文端公全集

卷首

志略

辛

滑車全圖說

治河有治之之理形勢之高低水性之順逆源流之分匯  
濬塞之深淺是也治河有治之之具則制器爲先制器又  
有制之之法則圖形宜考也古人象木葉而制舟見風鳶  
而制車其神智雖與人殊而創制立法亦物理之自然非  
強鑿者但其精思所到天巧內備人巧外顯有非尋常之  
所可及也如治水之具最大而重者唯埽一埽之重至五  
六千斤非但已成之埽難於下卽推捲之際已有難者而  
滑車一法則創從前未有之法人力旣易而物料更堅下

張文端公全集

卷首

圖說

三

埽無崩潰之虞塞決有收功之速其車制祇自平常而法  
臻其至妙遂有經有緯有聯貫有鉤帶有借勢有輕舉彼  
此所牽則以甲乙丙丁干支爲標識繁重所縮更以角亢  
氏房宿名爲先後一索挽其要害則必註其垂繫之由全  
力起於樞機則必詳其專制之用至於一人之力足以起  
四千七百觔之重一童之手可以動一千八百之鈞誠所  
謂巧借法生法由巧運者也若夫重物起高之法雖萬斤  
若運烏羽一人提舉數人可勝千夫總恃精當之心神自  
無微不至無處不周迨功力奏成而後咸驚以爲神異夫

豈真有神異哉法之所在巧智生焉至奇而至平至異而  
至顯不知者視以爲神異耳第天分不高資稟卑弱見此  
理數茫昧而莫知所從則以爲聖賢別具心眼非凡夫可  
到即使窮年究研或昏憊而不明或自廢而中返又或忤  
能嫉材不屑講論嗟夫此學不傳久矣某少遇異人偶得  
其解遂殷殷獨嗜因其圖而立解卽圖而著爲治河一書  
雖於精微恐有未竟而心力所專竊幸有所得焉記之以  
示歲月無虛云爾

張文端公全集

卷首

圖說

三

滑車運重圖說

重物運之高起或置高處人力運之不能者有用千斤秤提之此不過用之繩之粗而力之齊也太重者不能運亦有圓物用土坡法至於突起之高莫妙於滑車之用力不獨在一處而求用力而在諸處之用力而能齊舉也有提之高處為首之處如有捱次從肩從肋從臀從股從足者處處有提而用力故高處能上無慮失繩之危而在絞關上可喘息洽淡人之力不及也運重之法莫妙於此其大小高下增益多寡悉聽其隨物用力之當矣

張文端公全集

卷首

圖說

三

小高下增益多寡悉聽其隨物用力之當矣

上可喘息洽淡人之力不及也運重之法莫妙於此其大

處處有提而用力故高處能上無慮失繩之危而在絞關

上高處為首之處如有捱次從肩從肋從臀從股從足者

處處有提而用力故高處能上無慮失繩之危而在絞關

上高處為首之處如有捱次從肩從肋從臀從股從足者

處處有提而用力故高處能上無慮失繩之危而在絞關

上高處為首之處如有捱次從肩從肋從臀從股從足者

滑車運重圖說

滑車捲埽圖說

用滑車捲埽之法因物巨於人而人力之不能施居重馱輕之勢也物之勝人則人不能制其得宜也埽乃粗重之物借粗重之勢以壓急流之勢重之一時而定一時之中理也若人力勉強而成則必捲之不緊密於內而外之不能力濟於固明矣如欲內外堅固必借滑車之巨力收繩步步緊密有緯繩步步收絞如法則不致退回生虛隙之患難防者故經繩在滑車用勢收束則填物之人入柳枝土石亦得勢推緊絞關徐徐而束之緯繩步步而網之雖有丈徑幾丈徑則添設滑車絞關之得宜自不致有誤於用而成之在理制之合宜乃爲滑車之準繩則捲埽之良法也無再美於此矣

張文端公全集

卷首

圖說

一

滑車下埽圖說

埽之力大皆體巨勢洪之故耳如徑丈許長四五丈許其  
席料并柳枝土石之物及麻繩等項幾數萬筋百萬筋一  
下於急流之中埽體水勢合之則有水龍陸象之力不可  
測也工材作料非小補哉成之巨埽豈能不規畫而執一  
定之規免於失費而成功於穩當者豈卽貿貿而試哉成  
功於微倖而爲法也蓋工作制度必有定體物巨勢洪制  
有良法所以下埽之時豎以經繩旁以緯繩齊以絞關力  
量拿準收放之權齊放之出而下兩旁約之正下而不偏

張文端公全集

卷首

圖說

三

雖有水勢洶洶埽體自隨絞關經緯之繩穩穩重重而下  
豈得有失於難保之險勢哉此用滑車下埽乃保穩一定  
之良法也制巨勢洪再無他技之能勝矣

捲埽圖說

夫捲埽之法以平樑滑車下以絞關而緊其束身之用也埽大體巨人之勢不能捲者以滑車而在平樑排開量其布蘆簾之地繩索之寬而布之故樑上一經繩則間一卷索又一經繩又一捲索布樑經繩捲排開並皆間用經繩隨捲心索而壓約埽之大小而分粗細大約捲索要粗繩頭皆繫於捲心索捲心索粗細量埽之體由大者捲心索用四寸徑三寸二寸不同一粗一少細乃一正一副也何以要如此之粗者因下埽於急水之中以穿心索爲主宰

張文端公全集

卷首 圖說

三

兩旁絞關幾十處者皆用挽索而繫於穿心索上何也陵宮之所用大石皆用四輪或八輪之大車所用當家繩經五六寸許者拴騾幾十掛兩行排開鳴鑼爲號加鞭而至連鞭之號而當家繩離地寸許大車卽行騾用八九十百餘百幾十者皆量石之大小用之也今穿心繩卽大車之當家繩是也絞關雁行排之而用幾十處卽大車之當家繩分枝而掛騾爲得用力之齊而爲居重以馭輕之象則不畏水勢之急而力之洪也捲心索卽穿心索附繫經繩之體也捲索者一頭在樑一頭在平樑架上滑車之內也





夫埽者彈壓水勢爲堤岸之基也水流之急勢不能零星下土故也椿木之爲堤限埽爲堤之根本故用埽乃作岸之基不可少也如被大決之處洗去地方寬濶冲要之處必得修築堤岸者用之埽則大矣皆因水勢洶洶來之力如水龍陸象之勢不可限量則作大埽小者漂浮難拒其勢也雖投之以千百無有底止勢有居重馭輕之權故作大埽長四五丈或六七丈徑丈許或三二丈許此工豈得周備無隙哉故制之以法用法而制之則周備無隙矣如

張文端公全集

卷首

圖說

天

用人雖有千人而成功其工之有隙何也因人之多內有強弱有力無力技之長短之能與不能故有隙也因在埽身之大如徑丈許則埽過於人已半矣何以捲之如軸如手卷此勢過之幾數倍之形則易矣今過人以半而欲捲之周密不卽進水要在捲力之齊而勢埽相等者乃用之時可見先設平樑滑車約其寬濶幾度爲用設長木爲絞關之軸長者短可節鐵箍箍好一軸則力一二軸則力二也故雖長皆用一軸如恐軸身軟以水平看架木幾節而架之則不致軸之軟弱不能勝任也此軸之用制有法焉

次則打經繩之楸各將經繩頭繫之以楸直長鋪於地面  
加上緯繩以捲之按十字而加細也先將尺排其徑身妥  
當然後用蘆簾隨其大小寬濶布之用緯繩者因簾之零  
星不能一也簾者皮之象柳枝者絡之脆骨之屬石塊者  
埽之骨也黃土者埽之肉也齊邊之草則骨節之腠理也  
緯繩者則衣裳之帶也蘆簾之上以柴草柳枝土石如法  
次序填密實而倡號於眾推捲者力齊而絞關運軸者亦  
齊捲至緯繩處則用力加挽拔而結束一度如其法量其  
勢則步步小心步步謹慎雖埽身一二丈徑許有何難於

張文端公全集

卷首

圖說

完

制成功也此所以量其大者人之力不勝則用絕法而  
制之自能制而能成矣故用法也因人力之不能勝任歟

裔孫 知銓

後學歐陽紹

同校字

05501

